

**BOSNA I HERCEGOVINA  
FEDERACIJA BOSNE I HERCEGOVINE  
Tuzlanski kanton  
GRAD TUZLA  
GRADSKO VIJEĆE**

# **S T E N O G R A M**

**SA ČETRDESETPRVE SJEDNICE GRADSKOG VIJEĆA TUZLA ODRŽANE  
04. JULA 2024. GODINE U POSLOVNOM OBJEKTU „GRAFIČAR“ SA POČETKOM  
U 10,00 SATI.**

**- SJEDNICI PRISUSTVUJE 29 VIJEĆNIKA.**

**U Tuzli, juli 2024. godine**

## **NATAŠA PERIĆ – predsjedavajući Gradskog vijeća Tuzla**

Molim vijećnike koji se nisu prijavili stručnoj službi da preu...da predaju papiriće za prisustvo sjednici i molim vas da sjednete. Počinjemo uskoro sa radom.

Pozivam vijećnike da zauzmu svoja mjesta.

(Intoniranje himne Bosne i Hercegovine).

Poštovani vijećnici Gradskog vijeća Tuzla, obrađivači materijala, predstavnici medija, gosti, otvaram 41. redovnu sjednicu Gradskog vijeća Tuzla.

Konstatujem da prema evidenciji Stručne službe Gradskog vijeća, sjednici prisustvuje 29 od ukupnog broja vijećnika. Za današnju sjednicu svoj izostanak je najavio vijećnik Omer Berbić i predlažem da mu opravdamo odsustvo, a kašnjenje je najavila vijećnica Esana Kavazbašić Huskanović.

Obavještavam vijećnike da će Stručna služba Gradskog vijeća stenogram i skraćenu verziju zapisnika sa 40. redovne sjednice dostaviti na usvajanje na narednu sjednicu, imajući u vidu da isti, zbog kratkog vremenskog perioda između održavanja junske i julske sjednice Vijeća, nisu mogli biti izrađeni do otpremanja poziva i materijala za današnju sjednicu Gradskog vijeća.

Za današnju 41. sjednicu Gradskog vijeća predlažem dnevni red koji ste dobili u materijalu za sjednicu.

Gradonačelnik Grada Tuzle je u poslovničkom roku, 25.06.2024., dostavio prijedlog da se u dnevni red 41. redovne sjednice Gradskog vijeća Tuzla uvrsti tačka pod nazivom:

### **RAZMATRANJE PRIJEDLOGA:**

a) **ODLUKE O IZMJENAMA I DOPUNAMA ODLUKE O GROBLJIMA/MEZARJIMA I POGREBNOJ DJELATNOSTI NA PODRUČJU OPĆINE TUZLA**

b) **ODLUKE O OBEZBJEĐENJU USLOVA ZA OBAVLJANJE POSLOVA UPRAVLJANJA, KORIŠTENJA I ODRŽAVANJA GROBLJA I POGREBNIH POSLOVA NA LOKALITETU NOVOFORMIRANOG CENTRALNOG GRADSKOG GROBLJA „DREŽNIK“ U TUZLI,**

kao i da se u dnevni red 41. redovne sjednice Gradskog vijeća Tuzla uvrsti tačka pod nazivom **RAZMATRANJE PRIJEDLOGA ODLUKE O DOPUNI ODLUKE O OSNIVANJU ZDRAVSTVENOG SAVJETA GRADA TUZLE.**

U međuvremenu, gradonačelnik Grada Tuzle je 02.07.2024., dostavio obavijest da povlači prijedlog da se u dnevni red 41. redovne sjednice Gradskog vijeća Tuzla uvrsti tačka pod nazivom **RAZMATRANJE PRIJEDLOGA ODLUKE O DOPUNI ODLUKE O OSNIVANJU ZDRAVSTVENOG SAVJETA GRADA TUZLE.**

Obavijest gradonačelnika Tuzle o povlačenju u kojoj su navedeni razlozi povlačenja dobili ste putem e-maila i u materijalu podijeljenom pred početak današnje sjednice.

Konstatujem da je povučen prijedlog gradonačelnika da se u dnevni red 41. redovne sjednice Gradskog vijeća Tuzla uvrsti tačka pod nazivom **RAZMATRANJE PRIJEDLOGA ODLUKE O DOPUNI ODLUKE O OSNIVANJU ZDRAVSTVENOG SAVJETA GRADA TUZLE.**

Sada stavljam na izjašnjavanje prijedlog da se u dnevni red 41. redovne sjednice Gradskog vijeća Tuzla uvrsti tačka pod nazivom:

RAZMATRANJE PRIJEDLOGA:

a) ODLUKE O IZMJENAMA I DOPUNAMA ODLUKE O GROBLJIMA/MEZARJIMA I POGREBNOJ DJELATNOSTI NA PODRUČJU OPĆINE TUZLA

b) ODLUKE O OBEZBJEĐENJU USLOVA ZA OBAVLJANJE POSLOVA UPRAVLJANJA, KORIŠTENJA I ODRŽAVANJA GROBLJA I POGREBNIH POSLOVA NA LOKALITETU NOVOFORMIRANOG CENTRALNOG GRADSKOG GROBLJA „DREŽNIK“ U TUZLI

Predlažem da se ova tačka uvrsti kao tačka 3. dnevnog reda, a da se ostale tačke redosljedom pomjere.

Sada molim vijećnike da se izjasne.

Glasanje je okončano.

Konstatujem da je sa 26 glasova za, niko nije bio protiv i nije bilo suzdržanih, usvojen prijedlog gradonačelnika za dopunu dnevnog reda da se u dnevni red 41. redovne sjednice Gradskog vijeća Tuzla, kao tačka 3. dnevnog reda uvrštava:

RAZMATRANJE PRIJEDLOGA:

a) ODLUKE O IZMJENAMA I DOPUNAMA ODLUKE O GROBLJIMA/MEZARJIMA I POGREBNOJ DJELATNOSTI NA PODRUČJU OPĆINE TUZLA

b) ODLUKE O OBEZBJEĐENJU USLOVA ZA OBAVLJANJE POSLOVA UPRAVLJANJA, KORIŠTENJA I ODRŽAVANJA GROBLJA I POGREBNIH POSLOVA NA LOKALITETU NOVOFORMIRANOG CENTRALNOG GRADSKOG GROBLJA „DREŽNIK“ U TUZLI, dok se ostale tačke redosljedom pomijeraju.

Gradonačelnik Grada Tuzle je u poslovničkom roku, 28.06.2024., dostavio prijedlog da se u dnevni red 41. redovne sjednice Gradskog vijeća Tuzla uvrsti tačka pod nazivom:

RAZMATRANJE PRIJEDLOGA:

a) Odluke o utvrđivanju javnog interesa za izgradnju produžetka južne gradske saobraćajnice u Tuzli

b) Odluke o zamjeni nekretnina uz nadoknadu.

Predlažem da se ova dva IMOVINSKO-PRAVNA AKTA uvrste kao tačka 4, dnevnog reda, a da se ostale tačke redosljedom pomjere.

Molim vijećnike da se izjasne.

Glasanje je okončano.

Konstatujem da je sa 25 glasova za, niko nije bio protiv i nije bilo suzdržanih, usvojen prijedlog gradonačelnika za dopunu dnevnog reda, te se u dnevni red 41. redovne sjednice Gradskog vijeća Tuzla, kao tačka 4. dnevnog reda uvrštava:

RAZMATRANJE I USVAJANJE IMOVINSKO – PRAVNIH AKATA:

a) Odluke o utvrđivanju javnog interesa za izgradnju produžetka južne gradske saobraćajnice u Tuzli

b) Odluke o zamjeni nekretnina uz nadoknadu, dok se ostale tačke pomjeraju.

Sada stavljam na izjašnjavanje dnevni red u cjelini.

Glasanje je okončano.

Konstatujem da je dnevni red u cjelini usvojen sa, 24 glasa za, nije bilo protiv i nije bilo suzdržanih.

## DNEVNI RED

1. VIJEĆNIČKA PITANJA I INICIJATIVE
2. RAZMATRANJE I USVAJANJE ODLUKE O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA
3. RAZMATRANJE I USVAJANJE:
  - a) ODLUKE O IZMJENAMA I DOPUNAMA ODLUKE O GROBLJIMA/MEZARJIMA I POGREBNOJ DJELATNOSTI NA PODRUČJU OPĆINE TUZLA
  - b) ODLUKE O OBEZBJEĐENJU USLOVA ZA OBAVLJANJE POSLOVA UPRAVLJANJA, KORIŠTENJA I ODRŽAVANJA GROBLJA I POGREBNIH POSLOVA NA LOKALITETU NOVOFORMIRANOG CENTRALNOG GRADSKOG GROBLJA „DREŽNIK” U TUZLI
4. RAZMATRANJE I USVAJANJE IMOVINSKO-PRAVNIH AKATA:
  - a) ODLUKE O UTVRĐIVANJU JAVNOG INTERESA ZA IZGRADNJU PRODUŽETKA JUŽNE GRADSKO SAOBRAĆAJNICE U TUZLI
  - b) ODLUKE O ZAMJENI NEKRETNINA UZ NADOKNADU
5. RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2023. GODINU:
  - a) JP SKPC “Mejdan” d.o.o Tuzla
  - b) Centralno grijanje dd Tuzla
6. RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2023. GODINU:
  - a) JZU Gradske apoteke Tuzla
7. RAZMATRANJE IZVJEŠTAJA KOMISIJE ZA IZBOR I IMENOVANJA
8. TEKUĆA PITANJA:
  - a) Obavještenje Službe za budžet i finansije o razlozima prolongiranja izrade Izvještaja o izvršenju Budžeta Grada Tuzla za period 1. 1. - 30. 6. 2024. godine, Izvještaja o korištenju sredstava Tekuće rezerve za period 1. 1. - 30. 6. 2024. godine i Izvještaja o realizaciji odobrenih investicija Grada Tuzle za period 1.1. – 30.6.2024. godine
  - b) Obavještenje JKP Vodovod i kanalizacija doo Tuzla o razlozima prolongiranja izrade izvještaja o radu i poslovanju za 2023. godinu

Prelazimo na prvu tačku dnevnog reda:

### VIJEĆNIČKA PITANJA I INICIJATIVE

#### VIJEĆNIČKA PITANJA

Kolega Nedžad Jusić. Izvolite.

**NEDŽAD JUSIĆ – nezavisni vijećnik iz reda nacionalnih manjina**

Hvala. Poštovana predsjedavajuća, zamjenice predsjedavajuće, sekretaru, kolege, kolegice, vijećnice i vijećnici i drugi, želim da vas pozdravim (NATAŠA PERIĆ – Molim vas malo tišine i pažnje).

Ja za današnju sjednicu imam dva vijećnička pitanja. Jedan sam dostavio u pisanoj formi, a drugi ću dostaviti u toku dana, jer sam jutros dobio neke informacije, zbog toga nisam stigao da napišem, a odnosi se, vijećničko pitanje je upućeno Službi za komunalne poslove:

Kad će se završiti radovi na rekonstrukciji i sanaciji puta u Krojčici? To je prvo skretanje desno od Kartonaže, jer već smo evo započeli taj program prije nekih otprilike hajde par mjeseci i ja se nadam da će se uskoro taj put završiti.

Obrazloženje: S obzirom da sam ja nekad davno pokrenuo inicijativu za rekonstrukciju i sanaciju pomenutog puta i zajedno smo sa Službom za komunalne poslove, izgradnju i poslove mjesnih zajednica uradili jedan projekat i s kojima je Grad aplicirao Ministarstvu za ljudska prava i izbjeglice, da se odvoje finansijska sredstva iz fonda koji su odvojeni za akcioni plan za implementaciju Akcionog plana za Rome u Bosni i Hercegovini. Na našu sreću taj projekat je prošao i Grad je dobio 100.000 maraka namijenjene za Rome, za rekonstrukciju i sanaciju pomenutog puta. Znači, to je prvi put o...znači, prva ulica od Kartonaže desno.

I pitanje. Kad će se završiti? Dobio sam informaciju da bi danas trebalo krenuti sa rekonstrukcijom i sanacijom. Taj put će se uraditi kompletan asfalt i kanalizaciona mreža. I samo evo informacija, ovaj, kad bi se mogao završiti, kada je predviđeno sa ugovorom da se taj put završi? Jel jednostavno građani očekuju to i s drugim načinom dugo su već čekali, al na našu sreću da je ta inicijativa koju sam ja pokrenuo da je se prihvatila i na kraju da su sredstva obezbijedena od Ministarstva za ljudska prava i izbjeglice za realizaciju Akcionog plana za Rome i da će se taj put uraditi i da će građani normalno imati, ovaj, komunikaciju sa Gradom. Hvala.

## **NATAŠA PERIĆ**

Hvala kolega Jusiću. Vijećnik Omer Delalić. Vi niste dostavili, al ćete dostaviti. U redu. Izvolite.

## **OMER DELALIĆ – samostalni vijećnik**

E hvala predsjedavajuća.

Obratili su mi se stanovnici Mjesne zajednice Gornja Lipnica, jer u posljednje vrijeme često dolazi do smanjenja pritiska vode, a ponekad i do potpunog prestanka vodosnabdjevanja. Ova mjesna zajednica već duži vremenski period ima problem sa vodonabdjevanjem i zbog toga postoji kod njih i frustracija, te veliki broj građana još uvijek u ljetnom periodu koristi cisterne sa vodom.

Po njihovom mišljenju do problema je došlo odvajanjem jednog kraka sa glavnog voda. Građani zahtjevaju hitan sastanak sa predstavnikom mjesne zajednice i građana sa nadležnom Gradskom službom i predstavnicima Javnog komunalnog preduzeća Vodovod i kanalizacija. Hvala.

## **NATAŠA PERIĆ**

Hvala kolegi Delaliću. Koleginica Sabiha je takođe priložila dva vijećnička pitanja.

Ima li još neko da nije dostavio u pisanoj formi, al bi sad u usmenoj?

Ako nema, završavamo sa vijećničkim pitanjima.

(SLAĐANA KRAJINA – Je li ima neko inicijativu?). Je li ima inicijativa? (Nema).

Nema. Ok.

Prelazimo na drugu tačku:

### **RAZMATRANJE I USVAJANJE ODLUKE O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA**

Predlagač: gradonačelnik Grada Tuzla

Obrađivač: Služba za ekonomski razvoj, poduzetništvo i poljoprivredu

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika

Da li ima potrebe za uvodnim izlaganjem? (Nema).

Da li ima potrebe da se pročitaju izvještaji komisija? (Nema).

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Sada stavljam na izjašnjavanje ODLUKU O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA.

Molim vijećnike da se izjasne.

Glasanje je okončano.

Konstatujem da je ODLUKA O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA usvojena sa,

18 glasova za, nije bilo protiv i nije bilo suzdržanih.

Tačka tri:

#### **RAZMATRANJE PRIJEDLOGA:**

**a) Odluke o izmjenama i dopunama Odluke o grobljima/mezarjima i pogrebnoj djelatnosti na području općine Tuzla**

**b) Odluke o obezbjeđenju uslova za obavljanje poslova upravljanja, korištenja i održavanja groblja i pogrebnih poslova na lokalitetu novoformiranog Centralnog gradskog groblja „Drežnik u Tuzli**

Predlagač: gradonačelnik Grada Tuzla

Obrađivač: Služba za komunalne poslove, izgradnju i poslove mjesnih zajednica (pod a), Služba za komunalne poslove, izgradnju i poslove mjesnih zajednica, Služba za ekonomski razvoj, poduzetništvo i poljoprivredu i Služba za geodetske i imovinsko-pravne poslove (pod b)

Materijal su razmatrali: Komisija za statutarna pitanja i propise, Komisija za ekonomske odnose, Komisija za komunalne poslove i pitanja mjesnih zajednica i klubovi vijećnika

Ima li potrebe za uvodnim izlaganjem?

Ima li potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje Odluku o izmjenama i dopunama Odluke o grobljima/mezarjima i pogrebnoj djelatnosti na području općine Tuzla i Odluku o obezbjeđenju uslova za obavljanje poslova upravljanja, korištenja i održavanja groblja i pogrebnih poslova na lokalitetu novoformiranog Centralnog gradskog groblja „Drežnik u Tuzli.

Molim vijećnike da se izjasne. U paketu.

Glasanje je okončano.

Konstatujem da je Odluka o izmjenama i dopunama Odluke o grobljima/mezarjima i pogrebnoj djelatnosti na području općine Tuzla i Odluka o obezbjeđenju uslova za obavljanje poslova upravljanja, korištenja i održavanja groblja i pogrebnih poslova na lokalitetu novoformiranog Centralnog gradskog groblja „Drežnik u Tuzli usvojena sa,

18 glasova za, nije bilo protiv i 1 suzdržan.

Tačka četiri:

#### **RAZMATRANJE I USVAJANJE IMOVINSKO-PRAVNIH AKATA:**

**a) Odluka o utvrđivanju javnog interesa za izgradnju produžetka južne gradske saobraćajnice u Tuzli**

**b) Odluka o zamjeni nekretnina uz nadoknadu**

Predlagač: gradonačelnik Grada Tuzla

Obrađivač: Služba za geodetske i imovinsko-pravne poslove

Materijal su razmatrali: Komisija za statutarna pitanja i propise i klubovi vijećnika

Ima li potrebe za uvodnim izlaganjem?

Ima li potrebe da se pročitaju izvještaji komisija?

Otvaram raspravu klubova vijećnika.

Izvolite. Kolega Zoran Jovanović ispred zajedničkog kluba.

#### **ZORAN JOVANOVIĆ – samostalni vijećnik**

Predsjedavajuća, nisam se javio za raspravu, samo tražim izuzeće od glasanja, pošto sam jedan od ovih ovdje vlasnika parcela i ja.

#### **NATAŠA PERIĆ**

Dobro. Samo onda možete izać. Kad se bude...možete. Možete prošetat. (SLAĐANA KRAJINA – Bit će eto u zapisniku). Hajte. Prijatno.

Eh, zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje Odluku o utvrđivanju javnog interesa za izgradnju produžetka južne gradske saobraćajnice u Tuzli i Odluku o zamjeni nekretnina uz nadoknadu.

Molim vijećnike da se izjasne.

Glasanje je okončano.

Konstatujem da su Odluka o utvrđivanju javnog interesa za izgradnju produžetka južne gradske saobraćajnice u Tuzli i Odluka o zamjeni nekretnina uz nadoknadu usvojene sa,

19 glasova za, nije bilo protiv, nije bilo suzdržanih.

Tačka pet:

#### **RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2023. GODINU**

**a) JP SKPC „Mejdan“ Tuzla**

**b) Centralno grijanje Tuzla**

Predlagač: skupština preduzeća

Obrađivač: menadžment preduzeća

Materijal su razmatrali: Komisija za ekonomske odnose, Komisija za poduzetništvo, Komisija za mlade, obrazovanje i sport (pod b), Komisija za komunalne poslove i pitanja mjesnih zajednica (pod c) i klubovi vijećnika

Ima li potrebe za uvodnim izlaganjem?

Ima li potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izja...(SLAĐANA KRAJINA – Jedan po jedan). Molim? (SLAĐANA KRAJINA – Jedan po jedan). Po jedan. Dobro.

Prvo ćemo Mejdan. Znači, Javno preduzeće Sportsko kulturno privredni centar Mejdan.

Molim vijećnike da se izjasne.

Glasanje je okončano.

Konstatujem da je Izvještaj o radu Javnog preduzeća Sportsko kulturno privredni centar Mejdan usvojen sa,

19 glasova za, nije bilo protiv i nije bilo suzdržanih.

Sada glasamo o Centralnom grijanju.

Molim vijećnike da se izjasne.

Glasanje je okončano.

Konstatujem da je Izvještaj o radu Centralnog grijanja d.d. Tuzla usvojeno sa,

20 glasova za, nije bilo protiv i nije bilo suzdržanih.

Tačka šest:

## **RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2023. GODINU**

### **a) JZU Gradske apoteke Tuzla**

Predlagač: upravni odbor ustanove

Obrađivač: direktor ustanove

Materijal su razmatrali: Komisija za ekonomske odnose, Komisija za poduzetništvo i klubovi vijećnika

Ima li potrebe za uvodnim izlaganjem? (Nema).

Ima li potrebe da se pročitaju izvještaji komisija? (Nema).

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Lejla, jestel se vi javili?

### **LEJLA OSMANČEVIĆ – samostalni vijećnik**

Da se obrati neko od predstavnika Javne ustanove Apoteke. Volila bih da čujem izvještaj njihov. Evo, niste to predložili. (NATAŠA PERIĆ - Jesmo. Pitala sam ja u uvodnom izlaganju, al nije problem). Izvinjavam se. Nisam razumila. Ako može. Pošto bi ja prodiskutovala. Samo kratko. Hvala.



## NATAŠA PERIĆ

Može. Evo ispred Apoteka ko ima? Izvolite. Naravno, evo ovdje gospođa Berbić, direktorica Apoteka. Znači, ukratko samo. Evo ovdje ćete vi. Izvolite.

### LEJLA BERBIĆ – direktorica Javne zdravstvene ustanove Gradske apoteke Tuzla

Dobro. Evo ja ću ukratko, ovaj, za Izvještaj Javno zdravstvene ustanove Gradske...(NATAŠA PERIĆ - Izvinite sekundu samo. Ja ću zamolit vijećnike da uđu, jer smo na ivici kvoruma, ako već i nemamo kvorum za rad. Al zamolit ću svejedno vijećnike da uđu u salu. Izvolite. Vi nastavite).

Ovako. Naša ustanova obavlja farmaceutsku djelatnost, ovaj, sa 15, ovaj, radnih jedinica i galenskim laboratorijom. Imamo sedam apoteka, od kojih su šest na užem području grada Tuzle. Jedna je na području općine Banovići. Imamo osam, ovaj, apotekarskih depoa koji su uglavnom smješteni, znači, uz, ovaj, područne ambulante, ovaj, u okolini Tuzle.

Želimo istaknuti da su, ovaj, obrađeni rezultati iz 2023. godine pokazali da je poslovanje bilo pozitivno i da smo ostvarili, znači, pozitivan finansijski rezultat sa kojim smo jako ponosni u odnosu na prošlu 2022. godinu kada smo bili negativni.

Želimo istaknuti da smo svo vrijeme bili stabilni, solventni, likvidni i sve obaveze prema državi, dobavljačima, prema uposlenima smo izmirili u zakonskom roku.

Ukupni prihodi su nam bili za prošlu godinu 8.510.983 KM, što je više za 1% u odnosu na 2022. Rashodi su bili 8.491.161 KM i nije bilo rasta u odnosu na 2022. godinu, tako da je konačni rezultat bio dobitak od 19.822 Konvertibilne marke.

Trebam reći da je ukupan broj zaposlenih 59, od čega 46 čini zdravstvenih radnika. Imamo malo problem sa zdravstvenim kadrom. Prije svega sa farmaceutima koji u posljednje vrijeme sve više, ovaj, odlaze ka zemljama Zapadne Evrope, jer su bolje plaćeni, imaju bolje finansijske uslove. Mi zaista imamo, ne možemo se pohvalit sa našim platama koje su jako niske. Prosječna plata farmaceuta je 1.272 marke i mislim da je to ispod svakog nivoa. Ali eto, ovi koji rade, zaista pružamo tu primarnu zdravstvenu zaštitu.

Želim reći da nas još, ovaj, malo je ograničena marža i velika konkurencija na tržištu, sputavaju da imamo, ovaj, bolje rezultate. Zatim imamo problem organizovanja dežurstva. Mi imamo jednu apoteku. Apoteka Slatina koja radi 24 sata i ona je jedina apoteka na području našeg grada, koja pruža tu, ovaj, primarnu zdravstvenu zaštitu i nekako u komunikaciji sa našom Hitnom službom ispred Doma zdravlja, zaista, onaj, smo tu na usluzi našim građanima non stop i mislim da smo nekako prva linija kada se bilo šta desi i onda tek kasnije, znači, nakon neke trijaže u hitnoj apoteci, ovaj, upute se možda prema UKC-u.

Zavod zdravstvenog osiguranja TK plaća nam samo 500 maraka na mjesečnom nivou. To je tek 10% od onih potreba koji zaista iznose 5.000 maraka. To nas košta.

Želila bi možda da uputim prijedlog ako Vijeće može da uputi neku inicijativu prema Ministarstvu zdravlja TK i Zavodu zdravstvenog osiguranja TK da se nađe neka mogućnost da se zaista to malo poveća ta usluga ili da dođemo do tog nivoa nekog da nam mjesečno plaćaju onoliko koliko zaista, onaj, treba. Mislim da je zdravlje ipak na prvom mjestu svih nas.

Drugi problem sa kojima se susrećemo su možda neke nerentabilne radne jedinice. Neke od njih smo otvorili i, ovaj, zbog Gradskog vijeća, mislim zbog inicijative Gradskog vijeća nekih mjesnih zajednica koje su tražile. Tu prije svega mislim na apotekarske depoe Dobrnju, Dragunju i Husino. Trenuto u Dobrnji postoji još jedna apoteka. To je privatna. I tu i kad bi zatvorili apoteku, znači, stanovništvo ne bi bilo uskraćeno za zdravstvenu zaštitu. Znači, ima još jedna apoteka, pa možda može da pokrije. Mi tu ne možemo finansijski da više izdržimo i najvjerojatnije moramo je zatvorit. Ali, ovaj, isto tako nisam za to da apotekarske deope u Husinu i Dragunji zatvorimo, jer imamo potrebe zaista za to. To stanovništvo nema druge

apoteke. Čak smo imali, ovaj, inicijativu od Mjesne zajednice Dragunja juče i pismeno i usmeno, pa smo dogovorili sastanak, jer oni žele da uskladimo radom apoteke sa ambulantom koja radi tri puta sedmično, ali oni bi želili da mi radimo možda i pet dana u sedmici. Međutim, mi nemamo te finansijske mogućnosti. Šaljemo jednog farmaceuta pola radnog vremena u Dragunju, pola u Dobrnju i tako nekako petljamo. Mada smo u uvijek u finansijski negativnom rezultatu, ali zbog ipak pružanja zdravstvene usluge koje ne želimo da ovaj prekinemo, to radimo.

Znači, i tu bi volila ako postoji neka šansa, ovaj, i ako postoje mogućnosti da se iznađu rješenja možda iz tekućeg granta, da te nerentabilne jedinice, a koje su nam zaista tamo potrebne, nekako sufinansirate, da to uđe, ovaj, u redovni tekući grant.

Šta sam još htjela napomenuti? (NATAŠA PERIĆ - Možete samo ukratko). Ma, ukratko, mislim to su ono naši problemi što se susrećemo. Znači, u 2024. godini postavili smo ispred sebe ciljeve da što bolje još, ovaj, (NATAŠA PERIĆ – Unaprijedite) unaprijedimo, jeste poslovanje, kako bi stvarno odgovorili na sve zadatke koje nam je osnivač povjerio. Evo ako ima još nekih pitanja...

## **NATAŠA PERIĆ**

Dobro. Hvala. Ako bude pitanja može i...Nema. Al dobro, ima Lejla, doktor...(LEJLA OSMANČEVIĆ – Ja bi samo napravila diskusiju). Samo diskusija. A vi možete na svoje mjesto. Bilo šta, možete i pismeno odgovoriti. Nije problem.

Izvolite Lejla Osmančević, ispred vijećnika.

## **LEJLA OSMANČEVIĆ**

Zahvaljujem pedsjedavajuća. Pozdravljam sve prisutne, s obzirom da se prvi put javljam za riječ.

Biću kratka. Nekako, opet se radi o zdravstvenoj djelatnosti koju pratim već dugi niz godina.

Javna zdravstvena ustanova Gradske apoteke je vidite izdvojena, zato što imamo osnivača i suosnivača. Oni su jednostavno u finansijskom da kažem problemu vezano za određene vrste djelatnosti, koje ova Javna zdravstvena ustanova radi.

Gradske apoteke nisu samo na usluzi Domu zdravlja Tuzla, odnosno nisu na usluzi građanima grada, ovaj, Tuzla u toku radnog vremena i Službi hitne medicinske pomoći. Ja to, ovaj, gledam sa aspekta nekoga ko radi u Kliničkom centru i kroz svoja dežurstva koliko nam je važno prisustvo rada jedne gradske, odnosno jedne apoteke. Vidite da privatna apoteka ni jedna nema, ovaj, noćnu smjenu, što znači da njima to nije ekonomski isplativo. Ali je to kako bih rekla jedan odraz jedne društvene, jedne socijalne empatije, odnosno, ovaj, brige o građanima grada Tuzle.

Ako vam kažem da se u periodu epidemije, a moram se vratiti koga šta boli, mene boli nevakcinisana djeca. U periodu epidemije morbila i pertusa kad smo imali preko 100 pregleda u 24 sata. U večernjim satima bude i preko 50. Svako od te djece koje bude zbrinuto, a nije primljeno u bolnicu, ima jednu, ovaj, preporuku u kojoj je paleta, ovaj, lijekova koje to dijete mora da primi. U noćnim satima, dva sata ujutru, dočekat osam sati kad se otvaraju privatne apoteke ili bilo ko drugi je, ovaj, period koji je jako bitan za tu djecu. Evo pojednostavila sam, ovaj, njihov problem koji imaju i naš i značaj nas kao vijećnika odgovornost koju imamo, a to je da i finansijski pojačamo i da ovaj dio koji njima treba, da održimo, ovaj, ono što treba, da održimo, a to je ta nekakva socijalna i svaka druga, ovaj, briga prema bolesnim ljudima.

Ta nadokanda, ne znam, nisam, ovaj, detaljno, nisam razumila, nisam, ovaj, mogla shvatiti koja je to cifra, al mislim da bi u zaključku moglo ić, pa da se dogovori sa Slađom jedan,

ovaj, takav zaključak da uputimo prema Zavodu zdravstvenog osiguranja Tuzlanskog kantona da se ta naknada poveća.

Nemojmo zaboraviti nedostatak magistara farmacije. Srednjeg tehničara farmaceutskih je veliki. Svi oni, ovaj, idu prema privatnim apotekama gdje su plate velike. Ovi ljudi koji sjede iza nas su entuzijasti i ljudi koji vole ovaj grad, koji vole Tuzlu i koji žele da ova Javna zdravstvena ustanova ovakva kakva je opstane, uz svu svoju borbu. Eto toliko. I hvala na pozornosti.

## **NATAŠA PERIĆ**

Hvala vama vijećnice Osmančević. Vijećnik Elvir Bijedić, a neka se pripremi vijećnik Aleksandar Vujadinović. Izvolite.

## **ELVIR BIJEDIĆ – vijećnik Socijaldemokratske partije**

Zahvaljujem predsjedavajuća. Pozdravljam sve prisutne. Biću vrlo kratak, dakle, ovaj, kolegica Lejla Osmančević je već rekla, dakle, zaključak koji bih i ja htio, ali ukoliko je kolegica za, ja bih konkretizovao.

Dakle, čuli smo direktoricu da je, kad je u pitanju izdvajanje za noćni rad iz Zavoda zdravstvenog osiguranja TK, da je to 500 Konvertibilnih maraka i da je to otprilike samo 10% onoga koliko njima treba. Dakle, ja sam za to ukoliko ste raspoloženi izglasamo zaključak da na nivou mjesečnog izdvajanja da to bude 5.000 Konvertibilnih maraka. Da uputimo takav zaključak prema Fondu zdravstvenog osiguranja Tuzlanskog kantona, s obzirom da vidimo i kakve su to potrebe i da je to jedina apoteka koja ima dežurstva u toku, ovaj, u toku noći na području cijelog grada. Dakle, mislim da s te strane ne bi trebali da imamo bilo kakvu zadržku i dilemu.

Takođe, želio bi da se izjasnim i oko sljedećeg zaključka. Dakle, da Grad Tuzla u kreiranju narednog budžeta pokuša iznaći sredstva, dakle, da se zadrži rad apoteka, iznađu sredstva kako bi se zadržao... (SLAĐANA KRAJINA – Depoa, depoa) Depoa. Jeste, jeste. U Dobrnji i Dragunji. Jeste, na osnovu zaključka, odnosno prijedloga zaključka direktorice Berbić. Dakle, toliko. Hvala.

## **NATAŠA PERIĆ**

Kolega samo da vas pitam, ovaj, prvi zaključak jel se nadovezuje, da pitam i Lejlu. Jel to jedan kao zaključak? Jel se slažete u iznosu od 5.000? (LEJLA OSMANČEVIĆ – Minimum). (ELVIR BIJEDIĆ – Minimum. Neka bude minimum 5.000). Dobro minimum. Dobro.

Kolega Aleksandar Vujadinović. Izvolite.

## **ALEKSANDAR VUJADINOVIĆ – samostalni vijećnik**

Eh hvala lijepo. Evo ja se slažem apsolutno s prethodnim komentarima i diskusijama. Želim samo da podijelim svoje lično iskustvo, vjerujem iskustvo svih drugih. Znači, da je svaki moj kontakt sa dežurnom službom i sa apotekama u koju su u sklopu Gradskih apoteka bio jako pozitivan. Nikad nisam naišao ni na jednu stvar na koju bi se požalio u tom kontekstu, bilo da se to radi, ovaj, u nekim dnevnim smjenama ili u noćnim, kad je vrijeme dežurstva, što je danas jako rijetkost, ovaj, u bilo kojoj drugoj instituciji, koje su u toj takvoj službi tokom noćnih sati.

Ništa. Apsolutno ćemo podržati znači ovaj izvještaj i mislim da bi kao Gradsko vijeće trebali prihvatiti prijedlog ovog zaključka i uputiti ustanovama koje su za to nadležne, da im se pruži finansijska podrška onoliko koliko je to moguće. Hvala.

### **NATAŠA PERIĆ**

Hala kolega Vujadinović.

Zaključujem raspravu vijećnika.

Stavljam na izjašnjenje IZVJEŠTAJ O RADU JAVNE ZDRAVSTVENE USTANOVE GRADSKE APOTEKE TUZLA ZA 2023.

Molim vijećnike da se izjasne.

Glasanje je okončano.

Konstatujem da je IZVJEŠTAJ JAVNO ZDRAVSTVENE USTANOVE GRADSKE APOTEKE TUZLA usvojen sa,

22 glasa za, nije bilo protiv, nije bilo suzdržanih.

Evo zamolit ću sekretara da pročita zaključke proistekle iz rasprave i da se izjasnimo.

### **SLAĐANA KRAJINA – sekretar Gradskog vijeća Tuzla**

Evo samo da vidim jesam li dobro nap...

- Gradsko vijeće Tuzla upućuje inicijativu Zavodu zdravstvenog osiguranja Tuzlanskog kantona za povećanje naknade za noćni rad odnosno rad dežurne apoteke, te da ista iznosi minimalno 5.000 Konvertibilnih maraka, sa PDV-om, koliko prema izračunima iznosi realan trošak.

- Gradsko vijeće Tuzla upućuje inicijativu Ministarstvu zdravstva Tuzlanskog kantona i Zavodu zdravstvenog osiguranja Tuzlanskog kantona za korekciju naknade za uslugu izdavanja recepta.

- Gradsko vijeće Tuzla sugeriše gradonačelniku Grada Tuzle da se, u saradnji sa resornim službama, da se u narednom periodu pokuša iznaći mogućnost dodatne finansijske podrške za rad nerentabilnih apotekarskih depoa koji su otvoreni na inicijativu Gradskog vijeća Tuzla.

### **ELVIR BIJEDIĆ**

Ako može samo, ovaj, izvinjavam se. Samo kratko. Znači, 500 mjesečno je bilo, ali tražimo 5.000. Al na mjesečnom nivou. Samo da ne bude...Samo da stavimo).

### **SLAĐANA KRAJINA – sekretar Gradskog vijeća Tuzla**

Mjesečno. Dobro. Dobro.

### **NATAŠA PERIĆ**

Dobro. U redu.

Molim da se izjasnite o pročitanim zaključcima ako se slažete u paketu. (Može). Dobro.

Glasanje je okončano.

Konstatujem da su zaključci usvojeni sa,  
23 glasa za, nije bilo protiv, nije bilo suzdržanih.

Pod tačkom sedam:

#### **RAZMATRANJE IZVJEŠTAJA KOMISIJE ZA IZBOR I IMENOVANJA**

Nemamo ništa.

Tačka osam:

#### **TEKUĆA PITANJA:**

**a) Obavještenje Službe za budžet i finansije o razlozima prolongiranja izrade Izvještaja o izvršenju Budžeta Grada Tuzla za period 1. 1. - 30. 6. 2024. godine, Izvještaja o korištenju sredstava Tekuće rezerve za period 1. 1. - 30. 6. 2024. godine i Izvještaja o realizaciji odobrenih investicija Grada Tuzla za period 1.1. – 30.6.2024. godine**

**b) Obavještenje JKP Vodovod i kanalizacija doo Tuzla o razlozima prolongiranja izrade izvještaja o radu i poslovanju za 2023. godinu**

Obrađivači: Službe za budžet i finansije (a)

JKP Vodovod i kanalizacija doo Tuzla (b)

Pretpostavljam da nema rasprave. Dobro.

Konstatujem da je Gradsko vijeće primilo k znanju pročitana obavještenja.

Zahvaljujem se vijećnicima, predlagačima, obrađivačima materijala i zaključujem 41. redovnu sjednicu Gradskog vijeća.

(S obzirom da je Dnevni red iscrpljen i 41. redovna sjednica Gradskog vijeća Tuzla zaključena ista je završena u 10:50 sati.)

**STENOGRAM SAČINILA:**

**Selma Šehić**

**P R E D S J E D A V A J U Ć I**

**Nataša Perić, prof. s.r.**